

www.BibleForChildren.org

Matewos 8



Keezsinari wono Galiilani awurajjaassi Qaanani
katamaassi sargi faar. Yesusni intoos dey estak faar.
Yesusnawa nawoni meena es sargiista
teegtesere feeseter.



Waynini ushaas ko'ifana kabaasik Yesusni intoos:
«Waynini ushbesiis koi'faantu feesetewa!» yira
Yesusnik make. Yesusni intoos dey wostinyanyi
meyak: «Bar makena baron zuutira zagutiwa» yi.



Yesus wostinynyani meyak:
«Waashasikitosi aka tuunutiwa» yin
noonobaastaneen katisere tuunisete. Estan
Yesus: «Hash kitta kootaasi gaanynyanik
imtiwa» yin imete.



Gaanynyaas waynini usha sina akaason bechchire biin ayin yaanamato aane aruwe. Sinuntano akaason kita wostinyanyi meya arsedifer.

Gaanynyaas mariisin teegere «Asu zuuttambaase zeemme ma'a waynini ushaasontu imfe. Estan ushshe zaysetenneen orfo manguuson imfe. Ne ma'a waynini ushaason hashneen duusaan diifar» yi.



Yesus es biistera artonoy wuzason
zeemme Galiilaki fa Qanak zaguk
ulfinbaason ammanon besi.


Nawoni meya dey
barik amanesete.



Yesus Phexirosni keer girifena
kabaasik Phexirosni asusi into
gumtanni mero mettera kunfeen bi.



Asusi kushunon ta'in meroos dey ma'i.
Kabira dey barin irbasi.




Awa girin talmefana kabaasik asuni meya mettanni
meyanonnawa kiina ayyana ephna meyanonna zuutire
Yesusniki ephphe
yeesete. Katamaassi
fe asuni meya
zuuttambesiise
keyaasi fochata
zuuttere feeseter.



Yesus showo tesa merok mettere fe showo asunin fati.
Showo kiina ayyanaason dey kisi. Kiina ayyanaasnu bar
oo sinnamato arsera faaser sinna boor'a Yesus isa
wuzane maksonak aane sholowe.



Ha'oosi fatuni hugna Yesusniissin kesfaafa
zuuttambesiise fatit faar sinna boor'a esta zuuttere
feese asuni meya barin ta'isere farsonek
sholset feeseter.



Acheech asu isa laafa asuni wor'e Yesusniki yeesete.



Dara showena boor'a Yesusniki
tai'suk aane chimoto. Bar feena
dimaastaki keyaasi aafanon
kabgaat oppobaase yeet
keer gedete.




Yesus baasso amantooson biyaat laafa asusin: «Naa!
Boor'nees feeshun yistewa»
yi. «Neek makefawungwa:
Kabira opponeeson
wor'a keene
hamma!» yi.



Estan Yesus goonuussi girin nawobaasakito dey
barneen ane hamete. Baariistak
akama akani guuboos kabira
goonuuson koor'anak kar'i.
Sinuntano es kabaasik
Yesus kunfer.



Yesus dey: «Amantontiis yo'ina nitto awuni boor'a digefetiso?» yi. Estan kabire sirusewa baariise asin ke'in akama naga sini. Asuni meya diingesere: «Sirusewa baariise ajajamena han bar aro asunso» yisete.



Barik amanefe bar zuuttambaase
koi'ba foonto kaa dananaktano
tishunoynamato Ha'oos isa nawuba
bar barin aatira imma han daason
baak keeshtewa.



Roome 3:23 Asuni meya zuuttere boor'a wostesete;
Ha'oosi ulfina dey baassostan yo'i.

Roome 6:23 Boor'aasi wostosin bestoni waagaas kituwa.
Sinuntano Ha'ooskin imtoni imaas Daamni Kiristoos
Yesusniki kamo koi'ba foonto kaawa.

Ibrawiyan 9:27 Asunik isarga kituus imtera faar; kituneen
orfo dey mangsu basaasta katonak tai'nir.

Efeson 2:8,9 Nitto farisetiis amantooski kamo Ha'oosi
otmakwa. Es bar dey Ha'oni imatano nitto wostoosik
bestertawa. Oonu teetonoynamato faruni otmaas
bestenaas wostoktawa.



Roome 10:9,10 Yesus Daam sinbaason noononeesik zaala
makefaatanenawa Ha'oos barin kitun kabginamato
nibneessi amanefaatanena farutawa. Asu nibbaassi
amanere ooko sinana; noonobaasik dey
zaala makere faruna.

Yohannis 3:16,17 Barik amanefe bar zuuttambaase koi'ba
foonto kaa dananaktano tishunoynamato Ha'oos isa
nawuba bar barin aatira imma han daason baak
keeshtewa. Ha'o isa naabaasin han daasta wosinaas
daasta mangsuni kar'ak sinnoynamato han daason barki
kamo fu'okwa.



1 Yohannis 5:11-13 Es zaalaas Ha'oos koi'ba foonto kaa innok innamatonawa es kaas dey nawubaasasi faanamatonatu makefa. Ha'oni Naa basaassi feena bar kaaba faar. Sinuntano Ha'oni Naa basaassi foontoos kaaba aafa. Ha'oosi Naani sunak amanefe nitto zuuttamniise koi'ba foonto kaanti faar sinnamato arso tik han baron zuutira nittok tichifawungwa.



Matewos 8-9; Marqos 1-2, 4; Luqas 4, 8;
Yohannis 2

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: E. Frischbutter; Sarah S.

Yemsa NT (jnj) The Word for the World Northern Africa

<https://www.bible.com/bible/4132/MAT.1.YEMSANTL>

©2026 Bible for Children, Inc.

www.M1914.org

www.bibleforchildren.org

